



Lenaneo la Naha la Tšehetso la Manyolo le Lisebelisoa tsa Temo

Ke malapa a ka bang 70 000 feela naheng ea Lesotho a nang le lijo tse lekaneng bakeng sa malapa a oona. Batho ba ka bang 350 000 ba hloka tšireletseho mabapi le lijo mme ba itšetlehile holima lijo tsa phallelo. Ka 2009, mmuso o thehile Lenaneo la Naha la Tšehetso la Manyolo le Lisebelisoa tsa Temo. Sepheopheo sa lenaneo lena ke ho fana ka tšireletseho bakeng sa lijo ka chai e eketsehileng, ho khothaletsa tšebeliso ea manyolo le ho sireletsa lihoai khahlanong le litlamorao tse mpe tsa ho nyoloha ha litheko machabeng.

Lintlha tsa lenaneo lena

- ▶ Tšehetso ena e thusa bobeli bakeng sa mesebetsi ea lihoai tse lemang lihalefote* le lihoai tse ikemetseng.
- ▶ Bakeng sa lihoai tse ikemetseng, tšehetso e fanoa bakeng sa halofo (50%) ea litheko tsa peo, manyolo le mesebetsi ea mechini ea temo.
- ▶ Bakeng sa mananeo a lihoai tse lemang lihalefote, mmuso o fana ka lisebelisoa tsohle tsa temo le tšebeliso ea mechini ea temo. Mmuso joale o nka karolo ea 70% ea chai, ha sehoai se fumana 30% feela.

* **Lihalefote** ke mokhoa oa temo moo mong'a tšimo a lumellang molemi ea hirleng tšimo ho e lema mme ebe o lefa ka **karolo** ea lijalo tse chailoeng.

